

DISSERTATIO MEDICA  
INAUGURALIS,

DE

CORDIS PAL-  
PITATIONE,

Quam

*Auspice Archiatro Summo,*

Inclyto

Medicinæ Procerum Collegio

Decernente,

*In illustri Argentiniensium Universitate,*

PRO LICENTIA

SUMMOS HONORES ET PRIVILEGIA

DOCTORALIA RITE CONSEQUENDI,

SOLENNI Examini

*submittit,*

JOHANNES JACOBUS FRIED,

*Argentiniensis.**Ad diem 4. Decembris M DCC X.*

---

ARGENTORATI, Imprimebat JOH. GIESEN, Canc. Typ.


DEO,  
PATRIÆ,  
PARENTIBUS,  
PATRONIS,  
PRÆCEPTORIBUS  
*ATQUE*  
AMICIS.

*Sacram hancce jubet esse  
Dissertationem*

AUTHOR.



## Præloquium.

Um superatis haud ita pridem  
Examinibus, Jussu ac Decreto  
Gratiosissima Facultatis Medi-  
ca, Disputatio Inauguralis mi-  
hi esset conscribenda; morbum tum ratione  
visceris affecti, tum symptomatum illum,  
ipsum concomitantium ratione, molestissi-  
mum pariter ac periculosissimum, COR-  
DIS PALPITATIONEM intelligo,  
eligere placuit; eamque non de nihilo: si-  
quidem persona quædam, ob summa eaque  
infinita in me collocata beneficia, omni ob-  
servantia atque amoris cultu veneranda;  
sæpius iterumque, proh dolor! affectu hoc,  
non sine maxima presentium commiseratio-  
ne, momento citius, corripitur. Casu ergo

*tam tristi commotus, sub Auspicio Summi  
 Numinis materiam hancce pertractan-  
 dam, omissa ulteriore verborum ambage,  
 suscipio; cumque viribus ingenii necessa-  
 riis, quibus cuncta, ad B. L. beneplaci-  
 dum, ut perficiantur, carere me sciam,  
 ea qua par est humanitate TE B. L. ro-  
 gatum volo, veniam ut non deneges, si  
 multa in re tam ardua acu non tetigisse  
 me videas.*

## C A P U T I.

*Ονομασολογίαν exhibens.*

*Synonymia.*

**D**E Cordis ergo Palpitatione quæ-  
 dam dicturus, è re erit, omnem ad æqui-  
 vocationem vitandam, ut quædam ad Sy-  
 nonymiam æque ac ad homonymiam spectantia præ-  
 mittam. Vocatur autem Græcis præsens hic noster  
 affectus *πάλλω τῆς καρδίας ἐπὶ τῇ πάλλειν ἢ πάλλεω*, quod  
 sonat, vibrare, quaterere, palpitare; Latinis appel-  
 latur cordis palpitatio, saltatio, quibusdam formi-  
 do & tremor cordis, sed meo judicio ut inferius  
 patebit, perperam; Germani nostri priores imitati,  
 nominant, das Herzklopfen/ das HerzPoehen/ das  
 HerzZapplen/ das HerzZittern.

Cum



Cum vero πάλμῳ æque ac palpitatio varias si- Homonymia.  
gnificationes ab Authoribus Græcis atque Latinis  
obtinuerit, merito ratione homonymias porro no-  
tandum, πάλμῳ vel generalissime accipi pro motu il-  
lo, quo membrum aliquod elevatur rursusque de-  
primitur & subsidet, atque talis fieri amat, in mem-  
branis, musculis, cute &c. teste Galeno libr. de tre-  
mor. & palpitatione c. 5. & l. 2. de symptomat. caus. c. 2.  
Germanis dicitur motus ille, das Klopffen / das  
Gumplen und Zaben der Glieder / vel pressius signi-  
ficare omnem arteriarum motum, attestante modo  
citato Galeno lib. 1. de puls. different. c. 2. Vel deni-  
que stricte cum additione vocis καρδίας pro nostro su-  
mi affectu. Eadem ratione τὸ palpitare, ut alias mit-  
tam significationes, latius & improprie motum cor-  
dis naturalem & convenientem seu pulsum ipsum  
denotat, quo sensu locus ille Plinii in histor. natural.  
libr. 28. c. 8. palpitat certe cor & alternatim movetur,  
explicandus venit: Specialiter vero & proprie in  
Scholis Medicis sumitur pro eo cordis motu præter-  
naturali & inconvenienti, pulsuique contradistincto;  
ac de quo explicando nunc sollicitus sum.

## C A P U T II.

*Structuram cordis, ejusdemque motum  
naturalem declarat.*

**V**T ergo palpitatio cordis ejusque fiendi ratio eo  
magis innotescat, non abs re fore duxi, si na-  
turalem ipsius cordis motum breviter prius indigita-  
verim, qui cum maxime ab admiranda ejus structu-  
ra dependeat, operæ pretium erit eandem paucis de-

Structura  
Cordis.

lineare. Cor igitur capsulæ membranaceæ, Pericardium dictæ, inclusum, à duplicato mediastino, ac venis ut & arteriis, per omnes corporis partes radicatis, suspensum tenetur in thoracis medio, atque substantia carnosæ, densa, & musculari dotatum est, imo nil nisi muscolum esse artificiose pariter ac mirifice extructum, non tantum *Münnick de re anatom. p. 101.* per elegantem fibrarum muscularium ipsius cordis descriptionem persuadet, sed & *Christianus Langius in Physiolog. §. 17. p. 111. & 113.* quorundam frustra reclamantium argumenta refutando comprobatur. Substantia autem hæc figuram pyramidalem seu potius turbinatam repræsentat, cujus ratione dividitur in basin seu partem latiore adipe obvelatam, & apicem vel conum seu partem strictiorem, quæ in mucronem acuminatur. Eidem basi ab utroque latere ad orificia venarum cavæ scilicet & pulmonalis adjacent certæ bursulæ, passim cordis Auriculæ dictæ, quarum dextra longe capacior sinistra est, quo eo melius sanguinem è vena cava irruentem coerceat; utraque tamen eandem cum corde substantiam, muscularem scilicet, possidet, qua mediante receptum è venis sanguinem depletis cordis ventriculis infundit. Enimvero duæ insignes cavitates, dextra una, altera sinistra cordi insculptæ sunt, ventriculi appellatæ, quarum hæc, illa, amplior, latior ac carnosior existit, cum sanguis majori cum vi è cavitate sinistra, quam dextra, ut propellatur, necesse habeat. Distinguuntur autem ventriculi, per intermediam partem carneam, septum cordis nuncupatam, versus dextrum ventriculum gibbam, versus sinistram vero concavam. Sed nec silentio prætereunda est, ventriculorum interna



inæqualitas , multis cavernulis atque carneis colum-  
 mnis referta , quo sanguinis elaboratio perfectior &  
 expulsio fortior contingat ; præcipue vero in ventri-  
 culo dextro partes illæ carneæ à septo ad parietem ex-  
 teriorem instar trabis protensæ notandæ veniunt ,  
 quæ dictum parietem in cordis constrictione versus  
 septum adducere videntur , in dilatatione vero im-  
 pedire , ne idem paries æquo longius à septo remo-  
 veatur. Restat ut quædam de cordis vasis quoque  
 dicantur , quæ ratione usus , quem præstant com-  
 mode in communia & propria dispesci possunt ;  
 Communia illa vocanda , quæ toti corpori , propria  
 quæ cordi tantummodo inserviunt ; illorum quatuor  
 duæ scilicet venæ , totidemque arteriæ numerantur :  
 Venarum prima est Cava dicta , quæ sanguinem è  
 toto corpore refluxum ventriculo dextro infundit , ac  
 valvularum trium tricuspidalium ope ejusdem re-  
 gressum impedit ; huic ordine succedit arteria pul-  
 monalis sanguinem è cordis thalamo dextro expul-  
 sum in pulmones vehens & tribus valvulis semiluna-  
 ribus retrocessui obicem ponit ; Sed sinistro cordis  
 sinui vena inhæret pulmonalis , quæ sanguini ad di-  
 ctum modo cordis sinum aditum è pulmonibus con-  
 cedit , sed ejusdem reditum per duas valvulas mitra-  
 les vocatas coercet. Ultimum denique vasorum  
 communium , arteria aorta seu magna est , quæ è  
 sinistro cordis antro protensa , sanguinem ad omnes  
 & singulas corporis partes abeuntem recipit , ejus-  
 demque regurgitantis impetum valvulis tribus semi-  
 lunaribus sustinet. Denique & vasa cordis propria  
 describenda , suntque ea , arteria & vena , nervi ac  
 vasa lymphatica , arteria equidem soboles arteriæ  
 magnæ est , sanguinem cordis substantiæ pro motu  
 pari-

pariter ac nutritione subministrat, vena è cava ob-  
 oritur superfluumque sanguinem excipiendo, cavæ  
 infundit, cumque basin ipsius cordis vasa hæc co-  
 ronæ instar ambient, coronaria vocantur. Nervos,  
 tam ipsum cor, quam ejusdem auriculæ habent à  
 pari vago, maxime à plexu illo, qui paulo supra  
 cor in thorace situs est, ac Cardiacus appellatur.  
 Vasa demum lymphatica numero non pauca per ex-  
 ternam cordis superficiem excurrunt, quæ ex peri-  
 cardio tenuioribus ramulis prodeuntia, majores  
 componunt ductus, susceptamque lympham in ve-  
 nas aut subclavias, aut jugulares effundunt. Hisce  
 de structura cordis præmissis, motus cordis natura-  
 lis addendus venit, qui duplex merito, systolen seu  
 constrictionem, & diastolen vel dilatationem ipsius  
 cordis comprehendens, statuitur, nimirum sanguis  
 è vena cava aut pulmonali per auriculam dextram  
 aut sinistram, in illius aut hujus lateris ventriculum  
 influens, irruente vi ac copia sua fibras ventriculi  
 extendit, atque diastolen seu dilatationem efficit;  
 Ast eadem fibræ spiritibus per nervos affluentibus,  
 ut & sanguine per arteriam coronariam eo deducto,  
 impletæ, mox robore suo sese contrahentes, san-  
 guinem in ventriculis contentum in pulmones & ar-  
 teriam aortam propellunt, systolen seu constrictionem  
 producant. Quotiescunque autem causa quæ-  
 dam motum hunc naturalem turbat, non potest non  
 fieri, quin præternaturalis ac depravatus ipsius cor-  
 dis oboriatur motus, uti hoc præsens noster affectus  
 apprime edocet.

*Motus cordis  
 naturalis.*



# CAPUT III.

*Motus cordis palpitatorii fiendi rationem ;  
Differentiam à tremore ; Definitionem  
ac partem affectam sistit.*

**H**Ujus ergo fiendi rationem declaraturus , non multum aliorum sententiis tum recensendis , tum refutandis inhærebo , sed cum unicuique philosophandi libertas jampridem restituta sit , statuo ; Palpitationem cordis non aliunde quam ob denegatam sanguinis è cordis ventriculis viam contingere , nimirum tempore systoles ob impeditum effluxum , ad parietes internos fit sanguinis repercussio , cumque mucro cordis lateraque simul , mox nova superveniente systole contracta angustentur , basis cum vasorum radicibus ex sanguine ibi congesto & nonnihil hærente , ampliatur , expanditur , & intumescit cum saltu tali & elevatione ad super impositas costas : Statim ergo luce meridiana clarius radiat , memet non male supra capite primo , illos reprehendisse , qui palpitationem atque tremorem cordis pro uno eodemque affectu venditant ; Siquidem tremor potius fibrarum cordis trepidatio est , qua nempe fibræ motrices celerrime , ac tantum semicontractæ , systoles ac diastoles vices ocissimas , verum abruptas & quasi diminutas efficiunt ; Ut proinde sanguis per minutissimas tantum portiones , tum cordis sinibus inferri , tum ex iisdem efferri possit.

*Motus palpi-  
tatorii cordis  
fiendi ratio.*

*Differentia  
à tremore.*

Definiri itaque palpitatio cordis vel potius describi posset , per motum cordis præternaturalem ,

*Definitio.*

depravatum, inordinatum, variis symptomatibus stipatum, à denegato sanguinis è corde effluxu dependentem.

Genus itaque seu rationem formalem consistere dico in motu cordis præternaturali, hinc claret, hunc affectum ad symptomata actionis vitalis depravatæ spectare, adest namque motus præter ordinem, qui non plane tollitur, nec imminuitur, sed tantum depravatur; & licet nonnullis per motum auctum eundem potius definire placeat, nihilo tamen secius & actiones auctas depravatas esse judico.

*Pars affecta.*

Pars vero affecta generaliter considerata cor est, præcipue vero ejus ventriculi, non exclusis interim auriculis, pericardio aliisque cordis partibus, imò sæpe pulmones, diaphragma, lien, uterus, aliaque viscera primario affecta, in consensum demum ipsum cor rapiunt, uti id è causis nunc tradendis ulterius patebit.

## C A P U T IV.

*Causas internas æque ac externas enarrat.*

*Causa proxima.*

*Causa Remota interna.*

*Plethora.*

POssunt autem causæ hæc, ad duo potissimum genera referri, ut scilicet aliæ internæ, externæ aliæ dicantur, quarum catalogo, merito Causa proxima præmittenda est, quæque in impetu sanguinis seu allisione fortiori ad ventriculum unum vel utrumque consistit, atque à fluidi hujus vel percussione vel renitentia à causis variis remotioribus introducta, dependet. Ex his ergo causis remotioribus, ut ab internis incipiam, primo loco sese offert Plethora seu



seu Massa sanguinea quantitate excedens , dum etenim sanguis in thalamos cardiacos copiose & cum impetu irruit quasi , fibras ad vehementem sui constrictionem invitat , qua si non omnis , qui influxit, excutitur sanguis , accedente nova ex auriculis quantitate , fibræ illico ad novas vibrationes se accingunt, hinc aliqua sanguinis portione versus basin ac auriculas redundante , palpitatione vehemens oritur , exemplum vide sis in *Foresto libr. 17. observ. 2.* Sic & sanguis qualitate peccans , palpitationem ut producat, aptus est , quo serum in corpore abundans spectat, ceu ob cujus effervescentiam potissimum luna crescente factam , in juvene quodam nobili palpitationem cordis observavit *Horstius libr. 3. observ. 13.* Nec non seri abundantia eadem , dum hydropem pectoris infert , hincque continuo fibras carneas cordis irritat , sæpe hujus affectus causa existit , cujus asserti illustre exemplum de Maximiliano II. Romanorum Imperatore præbent , *Observationes Practicæ de Hydropæ pectoris , historie morborum Uratislaviensium annexe p. 5. §. 5.* Imo hinc non immerito signis Hippocraticis , hydropem pectoris declarantibus , & palpitationem cordis addidit *Sebizius in specul. medic. pract. part. 3. libr. 3. cap. 13. p. 892.* Eadem ratione serum seu aqua pericardii , ac par est copiosior , ad malum hocce producendum symbolum suum confert , contrariam licet sententiam *Diemerbræck in anatomia libr. 2. c. 5. p. m. 373.* foveat ; Notavimus præterea , inquit, majorem copiam istius liquoris (pericardii scilicet) non facere palpitationem cordis , quod tamen ex Galeni sententia communiter tradunt Medici. Nam in omnibus iis , in quibus post mortem in pericardio humoris istius aquei majorem copiam reperi , antea

*Serum efferves-  
cens.*

*Hydrops pe-  
ctoris.*

*Hydrocardia.*



cum morbosì viverent , nullam omnino cordis pal-  
pitationem , sed contra pulsum languidum ac rario-  
rem inveni ; Neque etiam à copia istius liquoris tan-  
ta fit pericardii angustia (etsi id vulgo prædicetur) ut  
cor se in eo libere movere nequeat , atque hinc pal-  
pitet : Sed contra semper animadvertimus , pericar-  
dium hinc adeo laxum latumque reddi , ut cor in eo  
multo facilius moveri possit , quam in paucò liquo-  
re. Ita ut hujus liquoris copia palpitationem mini-  
me faciat , eademque potius excitetur à quovis li-  
quore , etsi paucò , dummodo præter ordinem pluri-  
mum & raptim dilatare , vel acrimonia , putredine,  
aliave vellicante qualitate cor infestare , idque ad tam  
molesti hostis depulsionem excitare posset. Hæc  
Diemerbroek. Verum , præterquam , quod testi-  
monia pro meo asserto militantia adsint ; nempe  
*Amat. Lusitani cent. 3. cur. 43. Carol. Pisonis de morb.*  
*è colluv. seros. oriund. p. m. 170. Louveri de corde c. 2. p.*  
*m. 103. & 104. Riolani art. med. f. 2. tr. 2. p. m. 122.*  
*Hildani centur. 1. observ. 43. p. 39. Tulpii observ. libr. 4.*  
*cap. 19. Raymund. Fortis consultat. cent. 2. consultat. 46.*  
*p. 181. Observationum Practicarum de hydropè pectoris*  
*supra citatarum p. m. 38.* præterquam talia , inquam ,  
testimonia adsint , capru quoque facillimum est , qua  
ratione nimia aquæ in pericardio quantitas , systolen  
& diastolen cordis impedire queat , si vel mole sua  
premat , aut fermentescat , vel putrida , acris , aut  
alio modo corrupta evadat , quod ultimum fieri pos-  
se , exemplis *Rondeletius de dignos. morb. c. 10. p. m.*  
*678. & Sylvius in prax. l. 1. c. 26. §. 26. p. m. 225.* con-  
firmant. Cum ergo hæcce sententia extra contro-  
versiam posita sit , merito ad illam comprobendam  
memet accingo , quæ non tantum ex abundantia pe-  
ricar-

Defectus a-  
que pericar-  
dii.



ricardii aquæ sed & ex ejusdem defectu , palpitationem oriri posse statuit , sunt equidem , qui cum *Boh. nio in circul. anatom. progymn. 20. p. m. 323.* aquam pericardii nullam esse , ejusque scaturiginem à morbo aut mortis genere dependere , affirmantes , persuasum sibi habent , nullam unquam palpitationem ab humoris pericardii absentia originem trahere , verum non tantum existentia aquæ pericardii Malpighii industria edocuit , ceu qui interiorum pericardii tunicam acinis glandulosis vel potius apicibus arteriarum dotatam esse , pressamque , multas ex his minimas guttulas (quas etiam notavit *Peyerus in Meth. histor. anatom. Med. c. 6.*) sudare , observavit , sed & ex absentia ejusdem humoris hincque facta pericardii cum toto corde accretione , insigne præcordiorum gravamen , lipothymias , palpitationem , imo mortem contigisse historiis lectu dignis *Louverus l. c. c. 2. p. m. 105.* & *Angelus Victorius consult. 98. p. 417.* comprobant. Nec non Tussis à defluxione catarrhali dependens , ac diu præcipue durans , mali hujus sæpius est author , quale palpitationis exemplum per sex & amplius septimanas cum difficultate spirandi affligentis , de adolescente sistit *Piso l. c. p. m. 169.* Idem porro malum sæpe sanguini bile nimis abundanti adscribendum , utpote qui impetuosius ad cor delatus , sua , qua pollet acrimonia fibras carneas cordis irritando , palpitationem inducit , observationibus idipsum *Foresto l. 17. obs. 4.* & *Fernelio in Pathol. l. 5. c. 12.* probantibus. Ut & contraria qualitate , pituita scilicet , referta Massa sanguinea morbum hunc ponit , quatenus fibrillis ac staminibus cordis adhærens , crebriores efficit systoles , exempli loco sit observatio *Foresti l. 17. obs. 3.* Imo sæpe in cadaveribus

Tussis.

Bilis.

Pituita.

Vapores &  
Flatus.

Impeditus  
sanguinis  
morus.

Calculi in  
corde.

Vermes cor-  
dis.

hoc morbo defunctis pituitæ glutinosæ, viscidæ & crassæ cordis thalamos obsidentis copia reperitur, *testante Claudino cons. 129.* Quo & pituitæ productum, vapores scilicet ac flatus pertinent, qui cor nimis distendentes, affectus hujus causam præbere, confirmant *Horstius decad. 5. problemat. 3. & Cas. Benedictus cons. 53.* Symbolum porro suum, impeditus sanguinis circulus, confert, qualem palpitationem ob artius constrictas tibias annotavit *Forestus lib. 17. obs. 1.* Calculos quoque in corde latentes sæpe malum inferre, testantur observationes authorum, *Zacut. Lusitan. prax. med. admir. l. 1. obs. 131. VVier. de prestig. demon. l. 4. c. 6. Hæfer. in Hercul. med. p. 89. Sennert. in prax. l. 2. part. 3. c. 3. Scholz. in consil. 103. p. 76. Bonnet. in sepulchr. l. 2. s. 8. obs. 15. & 16. Christian. Lang. in op. part. 3. p. m. 206. §. 20.* Nec certe vermes ipsius cordis, Germanis der Herz-Wurm dictus, excludendus, huncce etenim inter alia symptomata, periculosas subinde conciliare palpitationes *Ettmüllerus in Colleg. pract. sect. 10. c. 1. p. m. 440. probat*, ac ex MSS. Petri à Castro practicis curiosam affert stistoriam; Mihi, (verba sunt Petri à Castro) contigit dirum morbi genus, in Calabria observare, sub Epidemica constitutione, in qua post ingentem ægrotantium stragem, qui omnes convulsi cum frequentissima ac fere continua cordis palpitatione moriebantur, dissectis quibusdam cadaveribus, invenimus in singulis vermem, magnitudine fere minimum digitum æquantem, capsulæ cordis affixum. Quam cordis palpitationis causam observationibus quoque confirmant *Gabelchov. curation. & observ. Med. cent. 3. curat. 1. Schenkius l. 2. obs. 194. Severinus de natur. abscess. l. 4. c. 2. §. 3. p. 287. Horstius manud. ad Medic. part. 1. cap. 1. sect. 2. §.*



3. p. m. 43. *Hartmann, prax. chym. p. m. 39. Polifius in Eph. N. C. an. 9. obs. 13. p. 50. Louverus l. c. p. 107. Delæus in Encyclop. Med. dogm. l. 2. c. 6. p. m. 185. Sennert, in prax. l. 2. part. 4. c. 4. p. 411. Nunc & sanguinis intentata, aut jam facta grumescencia malum grumescencia hocce infert, quam causam allegant *Vvedelius in Eph. N. C. an. 2. obs. 197. p. 298. Riverius cent. 4. obs. 21. Villifius Pharm. ration. part. 1. sect. 6. cap. 3. pag. 144. Grembs in arbor. vit. integr. & ruinos. l. 2. c. 1. §. 8. p. 138. Bonettus in sepulchr. l. 2. sect. 8. obs. 3. Sed nec Polypus. Polypus in corde aut vasis annexis hærens, silentio prætereundus, utpote qui sæpissime funestam affert palpitationem, testantibus *Bonetto l. c. obs. 10. Deleio l. c. p. 185. VVepfero de apoplex. p. m. 197. Grassio in Ephem. N. C. d. 3. an. 5. & 6. obs. 101. p. 423. Fre-Nervi spasmodice affecti. quentes porro palpitationes ob nervos cordis spasmodice affectos, contingunt, cum etenim sint propagines paris vagi, & par hoc non solum thoracis partibus universis, sed cunctis etiam abdominis visceribus implantetur, satis manifeste apparet, palpitationes cordis sæpissime ob truncum aut ramum paris vagi irritatum oboriri: Sic vehementissimæ palpitationis cordis ab epilepsia productæ exemplum *Schellhammerus epistol. de pulsu p. 67. de puella novendecim annorum suppeditat, quæ quovis epilepsiæ paroxysmo palpitationem cordis patiebatur. Eandem & ob causam Malum Hypochondriacum. tam malo hypochondriaco laborantibus, molestum sæpe numero sese sistit symptoma, comprobante *Fernelio pathol. l. 5. c. 12. conf. Ettmüll. l. c. p. 440. Eadem ratio alleganda venit, circa palpitationem Scorbutus. Scorbuto supervenientem, qualia exempla vide sis apud *Sennertum de scorbut. c. 5. p. 72. & Horstium l. 4. obs. 35. Et eodem quoque symptomate mulieres hyster-******

*Hysterica  
passiones &  
graviditas.*

*Inflammatio  
testium.*

*Genus ner-  
vosum debi-  
litatum.*

*Inusitata  
cordis ma-  
gnitudo.*

stercis passionibus obnoxia, nec non gravida, saepe corripuntur, ut idipsum variis observationibus confirmat *Forestus l. 17. obs. 8.* Imo quid consensus nervorum ad producendos morbos conferat, admiranda historia *Zacut. Lusitanus in Histor. Medic. princip. l. 8. c. 8. obs. 2.* declarat, annotando cordis palpitacionem ex inflammatione testium, cum duritie & dolore vehementi conjunctis, obortam. Sed & huc summo jure referri debet, systema nervosum debilitatum, quod certe saepius, aliqua causa irritatum, indeque spasmodice motum, palpitacionis cordis author est, & utinam nullum memoria exemplum, quo assertum firmitus reddam, suppeditet, sed, pro dolor! persona in praeloquio non satis laudata, nullam aliam, quam ob modo indigitatam causam palpitacionis atrociam sustinet; siquidem cum variae causae multos jam per annorum decursus obvenientes, systema nervosum ejusdem mox laudatae personae plus justo reddiderint debilius, nunc levissima de causa, v. g. odoratu rerum fragrantium, cibis aromatibus conditis, motu vehementiore, animi pathematibus, palpitatio cordis cum syncope admodum vehementi saepius irrumpit, & quod rem ulterius confirmat, sub ipso invasionis tempore, sentit auram quandam, uti loqui amat, è infima corporis regione, per dorsum ad caput ascendentem, mox vero, cum fulminis ictu citius ad cor decidat, palpitacionem producentem. Verum enim vero & earum palpitacionum cordis, quae à vitiosa tum ipsius cordis, tum partium adjacentium structura aut conformatione dependent, mentio facienda; Sic inusitatam cordis magnitudinem, palpitacionem per biennium affligentem, ac morte subitanea finitam, induxisse, testatur *Historia morbo-*



*morborum qui Anno 1699. Uratislavia grassati sunt,*  
*p. 129. Aliam palpitationem, eamque adeo violentam,*  
*ut costæ ob cordis pulsationem extrorsum protrusæ fuerint,*  
*tumorque in sinistro pectore satis insignis inde eminuerit,*  
*observavit à vena pulmonali cartilagine ei intus adnascente fere occlusa*  
*Mayorv. de motu musculari c. 7. p. m. 374. Nunc frustulum nigrioris*  
*carnis, mespili formam habens, atque in sinistro cordis ventriculo*  
*supra arteriam repertum, læthalis palpitationis causa erat,*  
*in muliere quadam annotante Foresto lib. 17. obs. 1. in Scholio; cui observationi & illa*  
*Zacut. Lusitani in histor. medic. princip. l. 8. c. 8. obs. 3. addi meretur,*  
*utpote qui, in cadavere à palpitatione cordis extincto,*  
*inter magnæ arteriæ rami, & venæ arterialis radicem,*  
*carneam excrescentiam, duram & concretam, coloris nigerrimi,*  
*atque binas fere uncias ponderantem, reperit. Spectat & huc rarissima*  
*pariter ac admiranda Antonii de Pozzis in Eph. N. C. an. 4. obs. 40. historia,*  
*de viro, è palpitatione cordis, per quatuor annos continua,*  
*mortuo, ceu in cujus cadavere aperto, cor maximum quidem,*  
*sed unicam solummodo cavitatem seu ventriculum continens,*  
*& uncias sedecim sanguinis nigerrimi complectens, apparuit. Alio tempore carunculæ*  
*cor ejusque ventriculos obsidentes malum inferunt,*  
*sic Riverius cent. 4. obs. 21, in sinistro cordis ventriculo*  
*è palpitatione mortui, carunculas rotundas, substantiam pulmonum*  
*æmulantes, invenit, quarum major ad avellanæ molem accedens,*  
*totius arteriæ aortæ ostium præcludebat. Porro & cor exulceratum*  
*malum hocce conjunctum habet, quale exemplum Grembs l. c. l. 2. c. 1. §. 8. p. 138. de foemella*  
*è thermis hydropica rediente, affert, in cujus cadavere.*

*Vena pulmonalis cartilaginea.*

*Excrescentia carnea in cordis ventriculo sinistro.*

*Cor unico saltem ventriculo præditum.*

*Caruncula.*

*Cordis ulcus.*



Arteria dor-  
ta ossæ.

Dilatatio  
cordis ac ar-  
teria pulmo-  
nalis nimia.

Sex res non  
naturales.

Aër.

Cibi.

davere aperto omnia viscera sana, in corde vero ul-  
cusculum repertum fuit. Nec causa, è vasis cordis  
osseam substantiam adeptis, dependens, omittenda,  
præprimis cum *Villisius in pharmacop. ration. part. 1.*  
*sect. 6. c. 3. p. 145.* in senē quodam morbo hoc labo-  
rante, post mortem deprehenderit, arteriæ magnæ  
truncum, mox à cordis egressu plane osseum, seu  
potius saxeum, ejusque latera valde compressa, ut,  
rima tantum relicta, sanguis, vix per dimidium, quo  
debebat torrentem, effluere potuerit. Causarum  
demum internarum agmen claudit nimia cordis ac ar-  
teriæ pulmonalis dilatatio, consentiente *Cesalpino in*  
*art. med. l. 6. c. 20.* qui in sacerdote octuagenario in  
palpitationem sæpius incidente, cor valde amplum &  
arteriam, quæ ducit in pulmonem, duplo naturali  
statu latiore, observavit.

Succedunt ergo, missis internis, causæ externæ,  
& quidem è rebus sex non naturalibus, aër primo  
accusandus, qui frigidus & humidus, in pituitosis,  
calidus & siccus, in sanguineis, ille serum augendo  
& acuendo, hic sanguinem ad grumescentiam dispo-  
nendo, præcipue in dispositis, malum accersere po-  
test, sic & aliis qualitatibus excedens, nec non va-  
riis miasmatis inquinatus, symbolum suum con-  
fert, inde metallarii auram arsenicalem, & Chymi-  
ci in præparatione antimoniatorum fumum attrahen-  
tes, nonnunquam malum hocce reportant, quale  
insignis palpitationis cordis exemplum, costis fractu-  
ram quasi minantis, de semetipso recenset *Schulzius*  
*tract. de Tinctur. Bezoard. c. 5.* Nec cibi frigidi, fla-  
tulendi, acidi, austeri, saliti excludendi, his etenim  
copiose ingestis, & ventriculi tonus debilitatur & cru-  
ditates generantur, quibus sanguis vitiat, dum ad  
cor



cor defertur, malo huic velificatur. *conf. Thom. Barth. hist. anat. de lact. Thor. c. 14. p. 44.* Sic ab oleribus & leguminosis assumptis, in semetipso palpitationem observavit *Malpighius epist. 1. ad Borell. de pulmonibus*; Imo Cinamomum summum alias in paroxysmo palpitationis præsidium, nonnunquam malum conciliat, cujus rei testimonium, de matrona nobilii a frequentiore cinamomi esu in cordis palpitationem satis contumacem incidente præter *Mæbium in institut. l. 2. part. 2. c. 4. p. m. 157.* & *Cummenius in Eph. N. C. an. 3. obs. 134. p. 242*; de muliere nobili hypochondriaca, affert, quæ, quoties cinamomo tum in cibo, tum in condimentis utebatur, palpitationem cordis incurrebat. Vina quoque generosa pariter ac vappescientia, & cerevisiæ recentes nondum satis defæcatæ, vel vetustæ, acescentes, idem malum efficere valent, qualem palpitationem perpetuam & continentem, commensationibus, liberaliore potu ac Venere contractam, in adolescente observavit, Medicorum facile Princeps, *Hippocrates libr. 3. Epidem. sect. 2. egrot. 16. pag. 1117. edition. Fælian.* Imo vinum Rhenanum (quo tamen Medicus quidam octuagenario major, nec unquam graviore infestatus morbo, ceu arcano, ad prolongandam vitam, usus est, referente sic *VValdschmidio in instit. med. ration. l. 4. c. 9. §. 7. p. m. 177.*) à melancholico nobili haustum, malum exasperasse, testatur *Forestus lib. 17. obs. 1.* Sed & motus vehementior sæpe accusandus, ceu quo, dum sanguis plus justo rarefit, motus cordis extraordinarius inducitur, uti hoc ipsum *Tulpius lib. 4. obs. 20.* exemplo palpitationis summæ expedestri itinere subortæ, comprobatur, & *Forestus l. c.* ex intempestivo, levissimo licet viso, manus aut brachii motu, palpitationem cordis cum

Olera & Legumina,

Cinamomum.

Potus.

Vinum Rhenanum.

Motus.



- Quies.** lipothymia in puerpera annotat. Quies vero, excrementa cumulando, dum sanguinis visciditati, lentescentiæ ac stagnationi, fores pandit, mali author esse potest. Similiter & de vigiliis sentiendum immo-
- Vigilia.** deratis, spiritus enim animales inde exagitantur valde & absumuntur, massaque sanguinea ad acorem inclinatur. Idem & de somno valet, sanguis enim, ubi nimius is fuerit, inde segnescit, & humores ad lentorem atque coagulum disponuntur, ceu rem *Forestus l. c.* observatione de palpitatione à somno meridiano oborta, declarat. Simile iudicium esto de retentis atque excretis, enimvero ab evacuationibus solennibus aut omissis aut suppressis, palpitationem oriri posse, observationes authorum confirmant: Sic palpitationes à mensibus suppressis *Rodericus à Fonseca consult. 24. p. 163. & Zacutus Lusitanus histor. medic. princip. l. 8. c. 8. obs. 1.* suppeditant. A nimio vero mensium profluvio, cordis non tantum, sed omnium totius corporis arteriarum palpitationem *Heurnius de morb. partium, libro de morb. pect. c. 8. p. 158. & Forestus l. 17. obs. 8. in Scholio*, observarunt. Pertinent huc Veneris ludibria, per quæ vir quidam, in talem cordis palpitationem incidit, ut nisi receptui cecinisset (verba sunt *Dolei in Encyclop. l. 2. c. 6. p. 187.*) suffocatus fuisset. Animi pathematum porro quoque mentio facienda, prælucente hac in re *Divo Coo libro de humoribus p. 49. edition. Fælian.* Sic ab ira, *Gabelcho verus cent. 4. curat. 84. Timæus à Guldenkleee libr. 2. cas. med. 16. idem lib. 2. epist. med. 23. VValdschmid. lib. 2. cas. med. 16.* à terrore insigni ob naufragii periculum *Riverrius cent. 4. obs. 21.* à metu pestis inani, in Monacho *Forestus l. c. obs. 5.* à tristitia idem *Forestus l. c. obs. 8. in Scholio, Fonseca l. 2, consult. 41.* palpitationes cordis obor-
- Somnus.**
- Excreta & retenta.**
- Mensium suppressio.**
- Mensium nimius fluxus.**
- Venus.**
- Animi pathemata.**
- Ira.**
- Terror.**
- Metus.**
- Tristitia.**



obortas, annotarunt. Denique & causis externis *Vulnera cor:*  
 annumerari, vulnera cordi inflicta, merentur, à qui- *dis.*  
 bus palpitationis cordis inductæ exempla *Forestus l. 6.*  
*obs. 1. & in Scholio* profert.

## C A P U T V.

### *Differentias præcipuas tradit.*

SUBjiciendæ nunc etiam differentiæ cordis palpi-  
 tionum veniunt; quæ cum multi variæ sint, præ-  
 cipuas tantum proponendo, à gradibus incipiam, alia  
 hinc mitissima & frequentissima est, quando scilicet  
 subsultus tantum cordis præternaturalis, manu sub  
 sinistra mamilla posita, cum sensu quodam tristi per-  
 cipitur. Vehementior hac, illa est, quæ oculis sese  
 sistit, dum scilicet ab assiduo cordis motu & diverbe-  
 ratu, indumenta, veluti flabello motitata inæqualem  
 cordis motum æmulantur, quale exemplum *Piso de*  
*colluvie seros. p. 166.* profert; Sed & hanc superat illa,  
 quæ auditus beneficio percipitur, quando nimirum  
 adeo vehemens & violenta est palpitatio, ut etiam  
 extra domum, in qua æger decumbit, à transeunti-  
 bus (potissimum si fenestræ occlusæ aures admove-  
 rint) exaudiatur, cujus asserti veritatem *Forestus lib. 17.*  
*obs. 1. & Schenkius l. 2. obs. 216.* observationibus fir-  
 mant. Sed omnium summus est gradus, quando non  
 tantum thorax ac sternum ab illo vehementi motu,  
 è sede naturali dejecta non mediocriter extuberant,  
*conf. Piso loco ante citato*, sed & costæ penitus fran-  
 guntur, uti exemplo Philippi Nerei hanc plane stu-  
 pendam rem confirmat *Angel. Victorius in consuet. 98.*  
*p. 415.* Succedunt differentiæ ratione temporis, dum

*Differentia  
 ratione gra-  
 duum.*

*Differentia  
 ratione tem-  
 poris.*

Differentia  
ratione sym-  
ptomatum.

Differentia  
ratione sub-  
jecti.

alia per intervalla solum affligit, cujus exempla per-  
sona illa in præloquio laudata, suggerit copiosa, uti-  
nam nulla: Alia periodica est, quæ stasis temporibus  
revertitur, qualis illa fuit à *Galeno libr. 5. de loc. affect. c. 2.* annotata, quæ quotannis, verno tempore  
invadere solebat. Alia denique per multos anno-  
rum decursus molesta est, quali supra dictus Philip-  
pus Nereus obnoxius erat, ceu qui per quinquaginta  
annos ea laboravit testante *Angel. Victorio l. c. p. 417. conf. quoque Smetius in Miscell. medic. c. 10. p. 523.* Imo  
*Schenckius l. 2. obs. 214.* de quodam sacerdote refert,  
qui statim à primis unguiculis perpetua, sed quæ in-  
dies, prout ætate proficiebat, cresceret, palpitatione  
vexabatur. Sequuntur differentiæ à conjunctis seu  
symptomatibus desumptæ: Igitur in aliis nihil consi-  
deratu dignum, præter saltum cordis istum præter-  
naturalem observare licet; In aliis tamen, insignis  
virium debilitas, cordis angores atque vellicationes,  
capitis dolores, syncope, convulsiones, gibbositas,  
(*conf. Doleus in Encyclop. chirurg. l. 2. c. 7. §. 10. p. m. 290.*) imo mors ipsa, aliaque plura quæ prolixè re-  
fert *Moronus in directorio, sub titulo cordis palpitatione*,  
malum insequuntur. Denique & differentiæ ratio-  
ne subjecti annotandæ, hinc alia palpitatione idiopa-  
thica seu per essentiam est, quando causa in ipso cor-  
de hæret, alia sympathica audit, ubi causa in alia  
corporis parte habitans, palpitationem infert: Nunc  
alia hæreditaria est, dum vitiosus hic character & in-  
fantibus imprimatur, quale exemplum *Sylvaticus cent. 4. & consil. 38.* sistit, an vero juxta *Mæbium in institut. l. 2. part. 2. c. 4. p. m. 156.* dispositionem hanc sol in the-  
mate Natalitio à Marte læsus adaugeat, aliis majori  
ingenii subtilitate præditis disquirendum relinquo;

Reli-



Reliquas autem differentias à causis enatas, cum tot, quot causæ sint, enarrare, supervacaneum esse judico.

## C A P U T VI.

### *Signa Diagnostica revelat.*

Potius ergo ad signa affectus pariter ac causarum cognitioni inservientia memet converto. Sic imminuentem palpitationem sæpius subita pulsus mutatio, insolita & repentina spirandi difficultas, summa præcordiorum anxietas, præcedunt; nec non quandoque auram quandam ex inferioribus ad cordis regiam ascendentem ipsi ægri sentiunt; Verum & per sæpe (ut mihi pluries observare licuit) paroxysmus momento citius, nullo præeunte indicio, illum ipsum minante simul ac semel invadit. Ast affectus, qui jam præsens est, signis quibus dignoscatur, vix opus habet, cum omnes non tantum ægroti, illum patientes, si modo semel ordinarium cordis motum observaverint, morbum affligentem indicent, sed & ipse tactus, manum sinistrae admovendo mamillæ, imo non raro auditus atque visus, pro diversitate vehementiæ palpitationem manifestant. Verum & si gna, utrum tam gravis mali causa in corde, an alio in loco hæreat, exponere, operæ pretium erit; sic si cor *ἰδιοπαθικῶς* laborat, affectus, violenta systole atque diastole, vehementi eaque fortiore thoracis elevatione æque ac depressione, pulsus inæqualitate, sæpe lipothymia, aliisque symptomatibus urgentibus, stipatus erit. Sin *συμπαθικῶς* cor laborat, subsultorius ille motus tanta vehementia atque temporis diuturnitate ægroto non molestus erit, ejusque signa è causis vel præ-

*Signa imminuentis palpitationis.*

*Signa præsentis.*

*Signa cordis per essentiam affecti.*

*Signa cordis per consensum laborantis.*

*Signa si à  
plethora.*

*Signa si à  
bile.*

*Signa si à  
sero.*

*Signa si à pi-  
tuita.*

*Signa si à  
flatibus.*

*Signa si ab  
Hydrocardia.*

*Signa si à de-  
fectu aquæ  
pericardii.*

*Signa si à  
sanguine  
congrumato  
aut polypo.*

prægressis, vel adhuc præsentibus optime depromun-  
tur; Sic si à plethora dependet morbus, aderunt fa-  
ciei rubedo, pulsus vehemens ac magnus, respiratio  
concitator, nec non intumescencia vasorum cum  
aliquali retinentia. Sin bilis in causa est, pulsus ma-  
gni, veloces, frequentes, sitis, linguæ ariditas, vigi-  
liæ, capitis dolores conjuncta erunt. Serii vero præ-  
dominantis, hincque obortæ palpitationis signa po-  
tissima sunt, pulsus tardior, rarior, frigoris quædam  
sensatio, somnolentia, & sitis absentia. Pituitam  
peccantem, faciei pallor, pulsus minor, tardior, pa-  
roxysmus non equidem admodum validus & enor-  
mis, sed protractior, atque caloris defectus decla-  
rant. Quod si à flatibus orta fuerit palpitationis, re-  
pentinam æger patietur accessionem, leviolem &  
breviorem paroxysmum & quiete interpolatum, re-  
spirationem difficilem, tremorem aliquando in ge-  
nubus, oculorum tenebras, aurium tinnitus, sibilos,  
strepitus, susurra, atque borborygmos. Hydrocar-  
diam præsentem suspicari licet, si pulsus est undosus,  
mollis, formicans, si pectus ab inspiratione disten-  
tum in expiratione non ex toto subsidet, sed ob re-  
nitentiam causæ intus hærentis suspensum maneat, &  
una difficultas respirandi cum suffocationis metu con-  
juncta sit, præcipuum vero signum est, si ægroti cor  
in aqua veluti natâre sentiunt. Signa vero defectus  
aquæ pericardii conjecturalia sunt, pulsus parvus &  
semper intermittens, dolor cum insigni gravamine  
præcordiorum continuo infestans, crebræ lipothy-  
miæ, & à levi quovis motu, anhelationes, spiri-  
tuum deliquia, & extremorum infrigidatio. In san-  
guinis grumescencia & polypum cordis cadit suspi-  
cio, si malum à mox prægresso terrore, metu, aci-  
dis



dis assumptis, frigore intenso, subito nascatur, & coloris in facie immutatio, paroxysmi vehementia & pertinacia, levi de causa noviter sæpe infestans, pulsus intermittens, ac multivaria ejusdem inæqualitas, anxietates præcordiorum ac lipothymia conjunctæ sint. Calculos cordi inesse suspicari licet, si à quolibet cordis motu palpitatorio ægrotans dolorem plus minus exquisitum persentiscat, & lento quasi pede absque manifesta causa contabescat. Vermes si in causa sunt, patiuntur ægri tantam sensationis molestiam, ac si cor candentibus forcipibus vellicaretur, paroxysmus absque manifesta causa cum rosionibus atque doloribus cordis insignibus recurrit, imminent lipothymia, imo nonnunquam convulsiones epilepticae superveniunt, facies pallet, ægri inquieti sunt pulsus intermittens ac intercurrentes est. Sin genus nervosum debilitatum ansam malo præbet, auram quandam ex inferioribus corporis partibus caput petentem, ægroti sentiunt, quæ momento citius ad cor delabens ex improvise paroxysmum introducit, ac plerumque syncopen comitem habet. Signa vero palpitationis à morbis. v. g. malo hypochondriaco, scorbuto, epilepsia, mensium suppressione & nimio fluxu &c. ortæ, his modo traditis apponere mearum non partium, cum de palpitatione cordis, non de modo recensitis morbis quædam in chartam conjicere animus erat, cui & accedit, quod Practicorum nullus non eorundem signa prolixè describat. Saltem ergo signa vitiosam cordis conformationem declarantia, ut tradantur, restat, sed ut verum fatear, exacta, vera ac pathognomonica, mortem repentinam si excipias, vix dantur, cujus rei ratio, si ita augurari licet, à minus libere concessa mor-

*Signa si à calculis.*

*Signa si à vermibus.*

*Signa à genere nervoso debilitato.*

tuorum sectione , ceu ut plurimum crudeli visa , dependet.

## C A P U T VII.

### *Prognostica Signa exponit.*

**R** Ecto nunc tramite ad prognosin , mortis aut salutis indicia suppeditantem , descendendo , & cum cor, viscus illud, ob actiones quas edit præclaras, nobilissimum pariter ac ad vitam summe necessarium, affligatur, evidens est, nullam cordis palpitationem periculo vacare, siquidem radiis solaribus orbatus noster microcosmus, necessario eclipsin patitur, at non semper mortiferam, etenim per se & sua natura, morbus hic non læthalis est, quin sæpius annum quinquagesimum, ceu terminum à *Galeno l. 5. de loc. aff. c. 2.* indictum excedit, edocente id experientia, sic Imperator Romanorum Maximilianus II. sæpius licet hoc affectu correptus, nihilominus ad septuaginta annos vixit, imo Philippus Nereus (de quo supra mentio facta) octuagesimum annum attigit, testante *Angel. Victor. consult. 98. p. 417.* Quum vero malum hocce non unum eundemque servet gradum, etiam prognosis tum subjecti tum causarum, tum symptomatum ratione variat; hinc cum assertum illud, quæ per consensum exoriuntur symptomata, iis, quæ per essentiam fiunt, minus periculosa sunt, æternæ in Scholis Medicis sit veritatis, nullus dubito, palpitationem corde *ιδιοπαδικῶς* laborante, periculosiorem esse illa, in qua cor saltem *συμπαδικῶς* afficitur, præprimis cum semper gravioribus sit stipata symptomatibus. Sic & ratione causarum, prognosis, non una eademque est; Eam etenim palpitationem, v. g. à pletho-

*Prognosis ratione partis affectæ.*

*Prognosis ratione causarum.*

ra,



ra, bile, fero, pituita, tussi, flatibus, genere nervoso debilitato, enatam, facilius esse curatu, illa, quæ à morbis prægressis vel adhuc præsentibus, aut à calculis, vermibus, polypo, item à vitiosa cordis conformatione originem trahit, quis dubitat? Porro quoque ratione symptomatum, diversa formanda venit prognos, equidem illa, quæ syncopen, atrophiam, aut epilepsiam conjunctam habet, si non lethalis certe periculosissima est; licet & illud de syncope superveniente notandum sit, eam non semper mortis periculum inferre, uti id ipsum, exemplum personæ multoties jam laudatæ comprobatur, etiam si enim in quovis paroxysmo & syncopen patiatur, atamen cum nullum aliud symptoma malum comite-  
 tur, intrepide spero (DEus spem impleat) mortem præmaturam non subsequuturam. Ast illa palpitatio non modo sæpius recurrens, sed & diu durans, certe ruinam corpori minatur. Denique nec signa salutis atque mortis omittenda, sic palpitatio ad salutem tendit, si causæ medicamentis possunt tolli, ac iisdem usurpatis, ægrotus levamen sentiat; Sin vero & exquisitissimis cordialibus exhibitis malum ne quidem alleviatur, aut repentina aut lenta morte extinguuntur.

*Prognosis ratione symptomatum.*

*Prognosis ratione eventus.*

## C A P U T VIII.

### *Methodum cordis palpitationis mendendi subministrat.*

Is ergo, quæ ad affectus hujus pathologiam & Semioticam pertinent, explicatis, Therapeia nunc evolvenda restat. Cum autem causa proxima, alli-

Cura si à  
plethora.

sio nimirum illa fortior sanguinis ad cordis parietes removeri non possit, nisi sublatiis causis occasionalibus, necesse erit, ut pro varietate causarum, diversa quoque methodus medendi tradatur. Inter causas ergo primum locum occupat plethora, quæ sola venæ sectione largiter celebrata optime tollitur, neque inde gravior virium prostratio metuenda, cum potius præsentis imbecillitates, imo palpitationis paroxysmum momento quasi tollat, uti eandem hoc nomine commendant *Galen. l. 5. de loc. aff. c. 2. Avicenn. l. 3. fen. XI. tract. 2. c. 3. p. m. 669. Smetius suomet exemplo in Miscell. l. 10. p. 567. Zacut. Lusitan. Histor. princip. l. 2. hist. 39. in paraphr. p. 392. imo Doleus in Encyclop. l. 2. c. 6. si sanguis subtilior atque serum volatile abundaverit, maximum commodum sese ex arteriotomia vidisse, scribit, hanc tamen necessariam addit cautelam, ut peritus arteriotomus, atque liquor stypticus Anglicus ad manus sit. Quod si tamen quis venæsectionem penitus abhorreat, qualia sæpius occurrunt subjecta, cucurbitulæ scarificatæ substitui possunt, quarum præsidio æger è palpitatione fere mortuus, revixit, apud *Zacut. Lusitan. prax. admirand. l. 1. obs. 133. p. 157. idem in hist. princip. l. 2. hist. 39. obs. 9. p. 393. palpitationis, per octo hirudines applicatas, curatæ exemplum profert.**

Cura si ab  
hydropem pe-  
toris & hy-  
drocardia.

Succedit palpitatio hydropem pectoris atque pericardii concomitans, quæ cum symptoma sit, specialem non requirit curam, sed morbo sublato sponte cessat, interim si urgeat, analepticis æger refocillandus venit, quorum præcipua sunt, ambr. ejusque essent. mosch. cinamom. aqua hinc cum vel sine vino destillata, ut & oleum, meliss. ejusque spiritus per fermentationem paratus, essentia, imo primo ejus  
enti



enti vim corpori inducendi juvenefcentiam adfcribit *Februr traité de la Chymie c. 9. tom. 1. sub titulo, de la vertu & de l'usage du premier être des plantes p. m. 289. & seqq.* caryophyll. cortic. citr. aurant. rosmar. croc. camphor. caſtor. imo pleraque aromatica atque nervina; è quibus variæ formulæ, tum interne tum externe uſurpandæ, concinnari poſſunt, quæ tamen huc apponere nimis prolixum foret, unde quoque illud ſaltem remedium à *Foreſto lib. 17. obſ. 1.* pro arcano habitum annectere volui: à meliſſa viride, inquit, ac borragine, contritis aqua roſacea & aceto irroratis & cordis regione applicatis miraculi ſeu incantamenti inſtar illico omnis cordis palpitatio ceſſabat. Sed & nunc palpitationis à defectu aquæ pericardii medela tradenda eſſet, verum uti raro contingit, & nonniſi ſignis conjecturalibus innotefcit, ita & plane incurabilis eſt. Melius vero judicium de pal-

*Cura ſi ab Epilepſia & hyſtericis paſſionibus.*

pitatione ab epilepſia v. g. & hyſtericis paſſionibus dependente ferendum, cum etenim à ſpasmis nervorum oriatur, minori cum difficultate, niſi malum altas jam egerit radices, legitime uſurpatis antiſpasmoticis, cedit, qualia ſunt pulv. epileptic. Marchion. ſpecific. cephalic. Mich. eſſentia caſtor. ſuccin. liquor. corn. cerv. ſuccinat. ungu. alcis. dens hippopotam. unicorn. foſſil. & verum, cinnabar. antim. aliaque plura, quibus ſi opiata in refracta doſi addideris, v. g. Theriac. cœleſt. Mithrid. eſſent. & extract. opii, laud. liquid. Syd. egregia adverſus ſpasmus habebis remedia. Imo nonnunquam ſola Theriaca cœleſtis ſufficiens eſt, ad malum hocce debellandum, uti id *Dolæus in Encyclop. l. 2. c. 6. p. m. 191.* exemplo confirmat: Sic quoque, cum de eſſentia caſtoarei mentio facta ſit, huc referri meretur, remedium à *Ko-*

*Cura à san-  
guinis æstu.*

*Cura à san-  
guine con-  
grumato &  
polypo.*

*Cura à pi-  
tuita.*

*fin. Lentilio in Miscell. medic. pract. part. 3. p. 171. contra palpitacionem ab utero oriundam, laudatum, quodque in eo consistit, ut in vehiculo aquæ Zedoariæ atque cinamomi assumantur Tinctur. castor. cum spir. sal. ammon. extractæ guttulæ decem aut duodecim. Sin vero palpitatio, sanguini exæstuanti originem debet, præmissa venæsectione, ceu qua paroxysmus mitigatur, ad blanda acida confugiendum, cum hæc optime sulphur quam maxime obtundant, & sal volatile peregrinum rarefaciens figant, sicque ebullitiones illas sanguinis nimias compescant, quo nomine laudari merentur, acetum simpl. & bezoardic. succus citr. granator. aurantior. tinctur. rosar. violar. florum quatuor cordialium, syrup. acetositat. citr. clyllus antimon. sic & spir. sal. dulcis egregius est in nimia sanguinis rarefactione; quorsum & spectant emulsiones è seminibus quatuor frigidis paratæ, quatenus serum restaurando, æstum sanguinis contemperant. E contrario si sanguis congrumatus aut polypus in culpa sunt, resolventia usurpanda, & quidem non tantum Terrea illa, oculi scilicet cancror. corall. conch. mater perlar. margar. corn. cerv. ustum, os de cord. cerv. lapis bezoar uterque, fragmenta quinque lapid. pretiosior. cryllall. montan. quæ omnia acidum absorbendo vim suam exerunt, sed & martialia v. g. limatur. chalybis, crocus mart. aperitiv. bezoardic. martiale, profunt, quatenus acidum præternaturale corrigendo, abeunt in salsa, sicque virtutem incidendi & resolvendi egregiam acquirunt; Quibus & optimo jure addi merentur volatilia, quorum præcipua sunt Sal volatil. succin. viperar. corn. cerv. spirit. corn. cerv. simplex & succinat. Sal volatil. oleosum Sylvii, mixtur. simpl. tinctur. bezoardic. spirit. theriacalis camphorat. quæ omnia certe insignem, præprimis si malum à subitaneo terrore, aut nimia refrigeratione oritur, effectum edunt. Nec non si suspicio in polypum ceciderit, cum in extremis morbis extrema remedia sint exquisite optima, tendandum, an usus mercurii dulcis continuatus, valeat materiam hanc rursus resolvere. Eadem mox recensita remedia contra sanguinis congrumationem proficua, cum incidendi vi prædita sint, in palpitacione à sanguine pituitoso & viscido exhiberi possunt; non omissis interim purgan-*



gantibus serum fluxile reddentibus, è quibus eminent, agaric. jalapp. specific. jalapp. mechoacann. dagryd. extract. panchymagog. Cr. trochisc. alhand. & qui primo loco ponendus fuisset mercurius dulcis; quo autem purgantia hæc vim suam meliori cum successu exerant, vulgo dicta præparantia atque digestiva præmitti possunt, ceu sunt cremor. & crystall. Tartar. Tartar. Vitriol. arcan. duplicat. M. Sal absynth. card. benedict. atque similia, & purgato sic corpore decocta lignorum, rite parata ut acrimoniam possideant, conveniunt. Nec non si malum *Cura à ma-* ab affectione hypochondriaca aut scorbuto dependet, præter *lo hypochon-* mox recensita remedia, juscula herbacea, è scord. chærefol. coch- *driaco &* lear. nasturt. beccabung. aliisque parata, ut & acidulæ optimum *scorbuto.* erunt solatium, & quidem acidulas, quod attinet, apponi hic verba *Dolai in Encyclop. Med. Dogm. l. 2. c. 6. p. m. 191.* merentur, nihil, inquit, excellentius, nihil validius & utilius reperi, quam acidulas Syvalbacenses, Martiales, & Emblesenses, calide haustas, quæ omnem implent paginam, ad quas ægros suos mittere possunt Medici conscientiosi. Sed pergo ad flatum, qui si palpitatio- *Cura à fla-* nem inferunt, aromaticis atque carminativis eliminandi veniunt; *tibus.* cujus generis sunt radices angelic. Zedoar. dictamn. cretic. acor. helen. galang. herbæ meliss. rosmarin. card. benedict. menth. crisp. lavendul. rut. majoran. flores chamomill. roman. summitates aneth. cortices citr. aurant. cinamom. nux moscat. macis, caryoph. croc. cardamom. cubeb. semina anis. fœnic. carv. cummin. coriandr. pp. item ess. carminativ. W. spir. sal. ammon. anis. aliaque. Vermis vero in corde habitantis curam *ex MSS. Petri à Castro pract. Ettmüll. in Coll. Pr. sect. XVI. c. 1. p. 440.* affert. Non *Cura à Ver-* valuerunt, inquit Petrus à Castro, præstantissima alexipharmaca *me.* vermem occidere, non Bezoar Orientalis, nec Theriaca, nec confectio alkermes, nec scorzonera, aut alia, itemque nec allium, à quo tamen magis, quam ab aliis omnibusangebatur & lædi videbatur. Solus succus scabiosæ mox vermem occidit; unde hac experientia observata, scabiosa in posterum uti jussimus languentes, tam in jusculis excocta, quam in decoctis & syrupis & ex ea fabricatis. Tandem nulla auxilia ægrotantibus apponebantur absque hoc specifico alexipharmaco, & certe mirum fuit, ab eo tempore nec ullum ægrotantem periisse. Itaque non cordialibus

hic affectus curari potuit, sed succo allii, scabiosæ, & aqua scabiosæ, in qua agitatus fuit per aliquot horas Mercurius crudus: item Mercurius dulcis ad gr. IX. exhibitus cum bolo ex conserva florum scabiosæ magnopere profuit. Eodem in casu *Gabelchoverus cent. 3. curat. 1.* succum nasturtii aquatici atque allii expressum, & postea cum brodio, in quo raphanus sylvestris maceratus fuerit, assumptum laudat. Nec non pro eodem scopo *Lovveri l. c. c. 2. p. 107.* cataplasma, è foliis cinaræ, tanacetii & absynthii vulgaris, aceto vini albi acerrimo coctis & cum paucis mithridatis mixtis, paratum ac regioni cordis applicatum inservit. Demum & mala cordis conformatio, hincque producta cordis palpitatio curanda esset, verum cum de ea viventibus adhuc ægrotis ne quidem per insomnium cogitare possimus, facile apparet, artem Medicam pro eadem tollenda, penitus insufficientem esse. Sed videor prætermisisse illius palpitationis cordis Therapeiam, cui persona illa in præloquio laudata sæpius obnoxia est; Ast neutiquam ex incuria, sed consulto id factum est, nam cum ab omnibus & singulis abhorreat medicamentis, iisque nisi in summo necessitatis casu constituta utatur, propria luce radiat, nullum è fonte pharmaceutico in auxilium vocari posse remedium, salus ergo in sola venæ sectione in pede administrata, ceu quæ paroxysmi recidivam hætenus inhibuit, quærenda & in posterum erit. Faxit ergo DEus T. O. M. ut hocce remedio adjuvante multos adhuc per annorum decursus integerrima corporis valetudine vivat atq; floreat. Esset quidem diætæ cuilibet curationi appropriata annectenda, verum cum illa per se, observatis modo causis innotescat, non sine consilio illam omisi.

Et hæc B. L. sunt, quæ in præsens pro facultate ingenii exigua, de Materia hacce differere potui, sin vero quædam addenda omissa, omittenda vero addita videris, id partim prolixitati, partim difficultati materiæ, ut imputes, mihi quoque porro faveas rogo. Sanctissimæ interim Trinitati, cujus favorabili nutu & ductu hæc conscribere licuit, pro præstito auxilio, in sempiterna laude nunquam debet esse.

F I N I S.